



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Thronus Dei Maria Deipara

**Spinelli, Pietro Antonio**

**Coloniæ Agrippinæ, 1696**

Purificatio Deiparæ, num. 7.

[urn:nbn:de:hbz:466:1-46853](https://nbn-resolving.org/urn:nbn:de:hbz:466:1-46853)

culentissimam, à Guillelmo Lindano Ruremundensi Episcopo latine redditam, quemadmodum testatur Baronius in notis ad Martyrologium ad hunc diem.

Annun-  
ciationis  
B. Virg.  
oſtava.

Octavam porro festi Annunciationis Ordo Carmelitarum pro sua in Deiparam pietate religiosè celebrat: & quamvis olim in multis Ecclesiis hæc Annunciationis solemnitas ad 15. Calendarum Januariarum translata fuerit, quod Quadragesimæ tempus passioni Christi commemorandæ tributum esset, ac meritori potius, iustique deberetur, ut videre est in Concilio Læodicensi cap. 51. & in Toletano 10. cap. 1. quod celebratum est sub Eugenio S. Ildefonsi avunculo Toletano Archiepiscopo anno Dom. 656. teste Mariana libr. 6. de rebus Hispan. cap. 9. Romana tamen Ecclesia diem ipsum 25. Martii, in quo *Verbum caro factum est*, retinendum censuit; quod ipsum servant Græci ex ipsorum Menologio. Sanctus verò Ildefonsus Toletanus Archiepiscopus Eugenii successor eam Annunciationis solemnitatem, quæ, ut dixi, ex Concilio Toletano 18. Decembris agebatur in Hispania, in expectationem partus B. Virginis commutavit; de qua plura infra, Ecclesia verò Ambrosiana, teste Galefino in notis ad Martyrologium, Annunciationem Domini in die Dominica, quæ Natalem Domini proximè antecedit, celebrare consuevit; quoniam sæpe in hebdomadam sanctam incidit, in qua ob passionem Domini solemniter celebrari non potest.

Cæterum de præstantia, ac dignitate sacratissimi mysterii in hac die Annunciationis peracti plura egimus cap. 8. hic solum adjiciam id, quod de hac solemnitate habetur in exordio orationis Athanasii de Annunciatione. *Primum, inquit hoc memoria subiiciendum, festum hoc unum esse ex dominicis festis, atque adeo primum, & prorsus venerandum; utpote, quod pro ordine, & digestione rerum, quæ in Evangelio de Christo prædicantur, sacrosanctum habetur, quippe in quo de Filii Dei de cælis descensu agatur.* Hæc ibi.

#### VISITATIO DEIPARAE

die 2. Julii.

6. **V**isitationis Beatæ Dei Genitricis festum, cum ad S. Elisabeth Præcursores matrem invitendam se contulit, institutum est ex S.

Antonino 4. par. tit. 15. cap. 24. §. 3. annum circiter 1385. ab Urbano VI. & à Bonifacio IX. confirmatum, vel potius promulgatum anno Domini 1389. ad Dei Genitricis opem ea instituta celebrata: impensius implorandam, propter gravissimum illud schisma, quod Ecclesiam Dei ab obitu Gregorii XI. usque ad Martinum V. miserè lacerabat, è medio tollendum. Cardinalis Baronius in notationibus in Martyrologium ad diem 2. Julii legisse se affirmat tractatum quendam manu scriptum Joannis Pragænsis contra quendam Adalbertum ejus solemnitatis impugnatorem, in quo cum plura eruditè disserat, nonnulla miracula, & certas revelationes afferit, quibus Deus hanc solemnitatem manifestissime comprobavit. Sæd Bonifacius IX. in suo de hoc festo diplomate fructum, quem ex hac celebritate colligere debemus, gravissimis verbis in hunc modum indicat. *Hanc igitur Visitationem felicis recordationis Urbani Papa Sextus prædecessor noster de fratrum suorum S. R. E. Cardinalium consilio annis singulis, ut Virginis matris Dei humile obsequium cognata exhibitum iugiter cordibus fidei sit infixum, in Ecclesia Catholica sex-  
to nonas Julii in perpetuum celebrari instituit, & mox Indulgentias, quas idem Urbanus is concesserat, quæ Officio, vel Missæ ejusdem festi interessent, subjicit, Hujus festi Octavam ab Urbano VI. instar solemnitatis Corporis Christi institutam complures Religiosorum familiarè piè servant, ejusmodi sunt Cluniacenses, Præmonstratenses, Cistercienses, Dominicani, Augustiniani, Carmelitæ, & Cælestini.*

#### PURIFICATIO DEIPARAE

die 2. Februarii.

**P**urificatio Dei Genitricis à Latinis, & Græcis secunda Februarii quadragesimo à Nativitate Domini die tridè celebratur: hoc festum à Græcis *Hypapante Domini*, hoc est occursum, seu obvium appellatur, quando videlicet Simeon occurrit Christo, qui in Templo præsentabatur, cujus exemplo Ecclesia in ejus diei officio omnes, ut Christo occurramus invitatur illis verbis: *Ecce venit ad Templum sanctum suum dominator Dominus; Gaudete, & lacare Sion occurrentes Deo tuo.* Et in Ecclesia quidem Orientali sub Justiniano Imperatore celebrari coeptam, occasione cuiusdam

clesia Orientali institutum

dam magnæ mortalitatis Deiparæ ope depulsa, quemadmodum capite 20. diximus, complures docent; Nicephorus libro 17. capite 28. *Iustinianus*, inquit, *peracta 5. Synodo uniuersali Seruatoris exceptionem toto Orbe terrarum festo die honorari instituit.* Paulus Diaconus in miscell. histor. anno 15. Justiniani; cui consentit sanctus Antoninus 2. part. histor. titul 12. §. 5. Sigebertus in Chronic. anno Christi 542. *Constantinopoli inquit, mortalitate magna insurgente, statuta est solemnitas beate Maria, qua v̄παπαρτη, id est obu. acio dicitur.* Idem habet Guilielmus Durandus libro septimo in rationali diuinorum officiorum, capite 7. quamvis Cedrenus in compendio ann. 9. Justiniani senioris institutum velit. Apud Latinos verò Gelasius Pontifex, qui triginta circiter annos ante Justiniani tempora Ecclesiæ præfuit anno 794. viam huic celebritati aperuisse videtur abrogatis luper calibus mense Februarii agi solitis, de quo Baronius in nouis Martyrologii ad diem 2. Februarii, & tom. 7. annal. ad annum Domini 545. Sergius verò Papa, qui Pontificatum inuit anno salutis 688 huic solemnitati adiecit (quemadmodum habet Ordo Romanus) Litanias, in quibus Clerus cum populo ab Ecclesiâ sancti Adriani procedebat cum cereis in talem usum benedictis ad sanctam Mariam Majorem, quod & in aliis Deiparæ festis fieri docet Beda in lib. de Temporibus, de quo nos infra.

Cur cerei in hac solemnitate gestari solent.

Quod si roges, quare in hac solemnitate cereos geremus accensos? Respondet Innocentius I. scrib. de Purificatione B. Mariæ: *Primum, ut mos, inquit, Ethnicus cum Christiano ritu commutetur, & quod à stultis Idolorum cultoribus ad honorem Cereris, ac Proserpinæ agebatur, id prudenter à pijs ad honorem, laudemq; Mariæ Virginis conuertatur: deinde ut qui per Christi gratiam sunt purificati, hac caeremonia moneantur, prudentes illas virgines imitari, quæ, ut Evangelica docet parabola, non sine lampadibus accensis ad Christi sponsi nuptias ingrediuntur.* Hæc ille. Et S. Antonin. 4. p. tit. 55. c. 24. *In festo, inquit, Purificationis candelas accensas gestamus in manibus, lumen ardentissima charitatis Virginis designantes, & eam vitam in nostris operibus habere professantes.* Et hæc de cereis satis sint, qui plura de Virginis Purificatione, & de cereis hac die gestari solitis requirit, adeat Canisium lib. 4. cap. 11. & 12. & lib. 5. cap. 24. Nonnulla mira-

cula, quæ hac die propter responsum quoddam in virginitatis Deiparæ gloriam decantatum acciderunt, quod responsum postea in festo Purificationis in Officio institutum est dici, habes cap. 24.

Illud tamen exemplum minimè prætereundum videtur; quod ad processionis commendationem, quæ in hoc festo Purificationis fieri solet, maximè perè facere videtur, quod nos ex Cæsario lib. 7. mirac. cap. 20. suis planè verbis describemus

In Regno Franciæ in Villa, quæ Quidò dicitur, Virgo quædam nobilis, & religiosa, sed paralytica fuit, quæ orationibus, jejuniis, & diuinæ contemplationi adeò operam dabat, ut corporalis cibus ei in nauisam verteretur, nec aliquid ex eo sumere poterat, nisi modicum iucum uvarum; hospitalis erat valdè, ac propterea etiam spiritum meruit prophetiæ, cui ejus pater Sacerdotem qui ei diuina celebraret, cum Ministris instituit. Hæc, cum in die Purificationis Domine nostræ S. Mariæ Virginis aliis Clericis, aliisque Ministris diuino nutu absentibus sola jaceret, intra se tristis dicebat: *Modò hic sola jaces, nec aliquid obsequii more Ecclesiæ uniuersali hodie B. Dei Genitrici Mariæ impendit.* Dum talia in mente volueret, spiritus ejus mirabili Dei virtute de corpore eductus ab Angelo in cœlestem Ierusalem est deductus; in qua maximam vidit processionem, ex diuersis ejusdem B. Civitatis ordinibus, Patriarchis videlicet, Prophetis, Apostolis, Martyribus, Confessoribus, Virginibus, cæterisque fidelibus, ex quibus bini, ac bini simul incedebant, & candelas ardentes in manibus gestabant, Antiphonas siue Responsorias ad diem pertinenti, more Ecclesiæ militantis, omnes decantabant, & stationes debitas observabant. Angelus verò Virginis ductor alteri cuidam Virgini, quam noverat esse consimilis meriti, illam sociavit, candelam porrigens ardentem. Tantus erat decor omnium, tanta gloria; in dispari tamen claritate singulorum, ut nulla lingua dari sufficeret. Salvator verò, qui caput est omnium Sanctorum, splendor gloriæ, & sol justitiæ, indutus pontificalibus, mitram gestans in capite suo, cum baculo, chirothecis, & annulo, & reliquis Episcopalis ornamentis novissimum locum cum sanctissima matre sua MARIA tenebat; cujus pulchritudinem omnis ille cœlestis exercitus mirabatur. Qui cum post tertiam stationem

Purificat. Deiparæ solemnitas in cœlis celebrari per visum cuidam Virgini ostendit.

nem inchoare. Antiphonam: *Hodie B. Maria puerum Iesum presentavit, &c.* Ingressi sunt templum ex auro, gemm. sq; constructum. Deinde inceperunt Missam introitus, videlicet: *Suscipimus Deus misericordiam tuam, & ab omnibus simul decantatus.* Interim Christo introeunte ad altare, postquam expletum est *Kyrie eleison* à choris alternatim, post *Gloria in excelsis Deo, &c.* quod ipse Dominus noster Iesus Christus inchoavit: Beatus Protomartyr. Stephanus epistolam legit de libro Malachia Prophetæ, videlicet *Ecco ego mitto Angelum meum.* Sanctus vero Joannes Evangelista dalmatica indutus legit Evangelium secundum Lucam, scilicet: *Postquam impleti sunt dies Purificationis Mariae, &c.* quo perlecto, Dominus secundum morem ordinis nostri, ad gradum rediit, & ab offerentibus candelas suscepit. Prædicta autem Virgo per spiritum sentiens se ad corpus reversuram, candelam suam offerre noluit, etiam Angelo suo præcipiente, volens illam secum ad terras portare; quod Angelus considerans candelam in manu ejus flegit, superiorem partem auferens, & inferiorem illi relinquens, sicque ad corpus reversa partem eandem manu conclusam se retinuisse invenit. De qua plurimæ siebant, & forte usque hodie sunt virtutes. Nam aquam superfusam in se bibunt, & convalescunt. Tam manifesta, & sublimis erat visio, & modum ejus minimè intelligeret, dicens illud Apostoli, cum de ea interrogaretur: *Sive in corpore, sive extra corpus, nescio Deus scit.* Sic ibi.

Malach. 3.

Luc. 2.

1. Cor. 12.

ASSUMPTIO DEIPARAE  
15. Augusti.

8.  
Assumptio  
est omnium  
Deiparæ  
festivitatum  
maxima.  
Glos. super  
cap. Alma  
mater, de  
sent. ex  
commun.

Assumptio Dei Genitricis, inter ejus festa est longè augustissimum, quippè quod ei felicitatem attulit inenarrabilem; ut propterea Navarrus in Miscellaneo 13. de Psalterio Beatae Virginis num. 1. dixerit, Assumptionem festorum B. Virginis esse simpliciter maximam, juxta Glossam memorabilem. & receptam super *Alma Mater*, verbo *Assumptionis* de sententia excommunicationis, in 6. & Suarez lib. 2. de diebus festis, c. 8. *Festum*, inquit, *Assumptionis est maxima proprium ipsius Virginis, & inter festivitates ejus habet quandam excellentiam; quia gloriam primum, & triumphum sanctissime Virginis nobis representat, Sic ille. Ejusmodi*

sanè festum ingenti Christianorum lætitiâ Deiparæ in tanta felicitate gratulantium celebratur 18. Calendis Septembris, cum Sol, ex Astrologorum sententia, in cœlesti Virginis signo commoratur, eademque die à Grecis, ut videre est in eorum Menologio, & in novella Cōstitutione Eminentissimi Imperatoris recollitur. Hanc verò solemnitate in Ecclesia antiquissimam esse satis apparet, nam ut omittam antiquissimos Patres, Antheam Cretensem, Damascenum, Metaphrastem, Petrum Damianum, Anselmum, Bernardum, aliosq; plurimos, qui de hac solemnitate sermones habuerunt: Certè antè Juvenalis Episcopi Jerosolymitani ætatem, qui anno salutis 445. florēbat, celebrem fuisse constar ex verbis, quæ apud Nicephorum leguntur lib. 2. cap. 23. ubi ejusdem Juvenalis de Deiparæ sepulchro, & Assumptione ad Imperatorem responsum scribitur. Deinde Sophronius Hieronymo æqualis sermonem, qui inter opera Hieronymi habetur, de hoc festo conscripsit luculentissimum, Quod si quis pertinaciter contendat sermonem illum non esse Sophronii (quæ de re novitio hujus operis plura) at saltem alicujus est viri gravissimi, qui ea ferè tempestate claruit; nam ex eo sermone Petrus Chrysologus, qui, quemadmodum ipse ait sermone 145. anno salutis 500. vivebat; Ildesonus, qui natus est anno Domini 610. in suis sermonibus integras sententias sunt mutuati. Sed quidni mortales eam celebritatem solemniter agant, quæ ipsi curiæ cœlesti jucunditatem attulit maximam? nam Sophronius loco citato de ea agens: *Festivitas, inquit, hæc, quæ nobis hodie revolvitur annua, Angelis omnibus facta est continua.* Et Ildesonus eadem feriè, sermone secundo de Assumptione: *Hæc, inquit, festivitas Assumptionis Virginis præcipua, & venerabili nobis; sed venerabilior in cœlo est Angelis, & Sanctis omnibus, quorū lætitiâ, & gaudium procul dubio ex hujus impletur diei exultatione, quando Beata Dei genitrix clarior soleresulset in throno claritatis.* Sic ille.

9. Quod verò Nicephorus lib. 17. cap. 18. scribat festum hoc edito Mauritii Imperatoris institutum Sic accipias, inquit Baronius in notis Martyrologi ad 15. Augusti, ut eam antea ab Ecclesia institutam ipse in Oriente sanctione edita promulgavit. Caterum festum hoc magna religione à fidelibus peragi solitum, illud

Assumptio  
solemnitas  
per Mauritium  
Imperatorem  
in Oriente  
promulgata.